

Fructus Ribium rubrorum. *Johannisbeeren.*

Ribes rubrum. Frutex Germaniae, in hortis cultus.

Baccae globosae, rubrae, subdiaphanae, succo acido grato turgentes.

Fructus Rubi Idaei. *Himbeeren.*

Rubus Idaeus. Frutex Germaniae, in vinetis et hortis cultus.

Baccae compositae, subrotundae, rubentes, succo subacidulo gratae.

Gallae. *Galläpfel.*

Quercus Cerris. Frutex orientalis, praesertim in Syria frequens.

Tumores morbosi foliorum, a Cynipe foliorum Quercus, insecto hymenoptero, punctura producti, globosi, tuberculati, principio adstringente uberrime repleti. Praeferuntur ex Aleppo allatae, quae colore ex nigro caerulescente innotescunt.

Glandes Quercus. *Eicheln.*

Quercus Robur.

Fructus maturi absque cupulis.

Galbanum s. Gummi Galbanum. *Mutterharz.*

Bubon Galbanum. Planta perennis umbellifera, in Arabia, Syria, Mauritania et India orientali sponte crescens.

Gummi-resina, granis ex albo lutescentibus, sibi invicem vel agglutinatis, vel massae molliori luteae

immixtis, composita. Sapore amaro-acri, et odore gravi, plerisque ingrato, praedita est, atque tempore fusca redditur. Fluit ex trunco, prope radicem transversim secto, mox indurescens.

Gummi Mimosae f. **Gummi arabicum.**
Arabisches Gummi, Senegal-Gummi.

Mimosa nilotica et Mimosa Senegal. *Arbores, quae in variis Africae mediae regionibus frequenter occurrunt.*

Gummi purissimum, ex cortice exsudans, albicans aut lutescens, subdiaphanum, et diffractum nitens.

Gummi Tragacanthae. *Traganth.*

Astragalus creticus Lamarck. *Frutex in insulis Archipelagi et in Oriente sponte nascens.*

Substantia gummeo-mucilaginosa, alba, vel sponte ex fruticulis exsudans, vel ex vulnerato cortice stilans, quae condensata frustula incurvata format.

Gutti. f. **Gummi Guttae.** *Gummigutt.*

Stalagmitis Cambogioides Murrayi f. *Guttifera vera* Koenigii. *Arbor Indiae orientalis.*

Succus induratus gummeo-resinosus, flavus, opacus, splendens, ex acri subdulcis. Exsudat vel ex ramis resectis, vel ex cortice arboris vulnerato.

Helminthochorton. *Wurmmoos.*

Conferva Helminthochorton. *In mare mediterraneo, ad litus Corsicae frequens.*

Conferva subfusca, dichotoma, sapore subsalso nauseoso et odore ingrato praedita.